



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

12. Non Religiosorum obedientia, quid à Religiosa discrepet.

[urn:nbn:de:hbz:466:1-47032](#)

ris est quod illam vel animo tibi representas, vel futurā praeuides: ita enim humanitus comparati sumus, ut quae menti, non secūs ac si essent, penitus impresum, vel quae mox futura credimus, eodem in nobis motus animorū, ad spem, ad lētiam, ad terforem, ad virtutes & virtutēs excitant, quos excitarent res ipsæ, si præsentes eas usurparemus. Haud secūs in hac præuolatrice mandatorū obedientia contingit: nam & affectus ad obediendū fertur, quasi si Præpositi iussus virgeret, & quemadmodum Maiorū obsecrationē in mandatis deputamus, ita Præpositi desiderium, instar præcepti ducit, creditque morosā tarditatis fore, si vbi videt vel facti desiderium, vel imperij voluntatem, ad verba potius quam ad animum respectet. Perfecta enim obedientia legem nescit, terminis non attatur (ut in simili loquitur S. Bernard.) neque contenta iussionis angustiis, largiore Lib. de prag. & dij. spontanea, vigore liberalis alacrisque animi, modum non considerans, in infinitam libertatē excurrat. Hæc est illa de qua S. Petrus, *Castigantes*, inquit, *corda vestra in obedientia caritatis*, pulchri illam per hoc sequestrans ab inertī illa & seruili obedientia, caritati non promta, sed soli obnoxia necessitati. Vide sine quanti faciat eum qui ad nutum obedit: alium vero, ut inertem, ut seruilem, ut tardum & inofficium cōtemnat: quales profectō si plures in subditis exstiterint, nonne necesse fuerit ut tarda, grauia, modesta, impedita sint omnia?

Istam ergo ut gratiorem, meliorem, accommodatioremq; se etemur, & ut satis probatum relinquamus, eam veram, maximeque laudabilem obedientiam esse quæ ad nutum Præpositi præstatur, vel qua eius voluntatem velut normam nobis proponendo id agimus, quod esse ex eius desiderio credimus. Iam autem, si vere hæc est obedientia, videtur etiam consequens esse, ut possit esse cæca, eoque maximè quod cæcam eam omnem dicimus, quæ nihil nisi parendi studium respicit. Fateor tamen non satis propriè videri dici posse cæcam, nisi admodum evidenter de Præpositorum voluntate constet; ac piæterea in rebus arduis, periculo obnoxii, & à communi iudicio remotis, longè certioribus opus esse argumentis, ut credas velle Præpositum ita fieri: quare non tantum ab imprudenti coniectatione cauendum est, sed plerumque in rebus grauioris momenti, expedit de eius voluntate reddi certiorem, eamque modestè exquirere.

C A P V T XII.

Non Religiosorum obedientia, quid à Religiosa discrepet.

ET hoc denique ceteris atexamus, Quid inter obedientiam Religiosi & secularis intersit? quæcumque etenim dicta sunt adhuc, seu de Præpositorum reverentia & auctoritate, seu de iussis eorum, seu de diuinæ prouidentiæ vigilantia, seu de subditis, & iudicijs subdendiratione, illa eadem de secularibus, de quæ eorum gubernandi imperandique ratione dici possunt.

Y y y 3

Verum-

Verumtamen inter utramque obedientiam plurimum interest, idque maxime, ex personarum conditione originem dicit. Sic igitur se res habet, obedientia quæ à secularibus (vt vocant) præstatur, minus est vtronea, minusque voluntaria, certatum quibus teneatur rerum angustis conclusa, fermeque mercenaria, vt quæ ad lucra, commoda, honores, & fumos vitæ huius ad�it: unde cùm ad alium finem, & ad alia omnia referatur, nil mirum si se in plurimo discrepantem exhibeat, nempe oculatam, astutam, sui amantem, ad oculum & in speciem placentem, obmurmuraticem, impatientem iugis, afferendæ libertatis occasionibus incubantem, & alijs multis imperfectionibus obnoxiam.

Præterea longè alio, quam Religiosa, fonte dimanat: est enim vel ex naturali debito, vt patri subditur filius; vel ex auctoritate in commune instituta, vt Regi & magistratus priuatus; vel ex conditione fortunæ, vt multi pauperes ditionibus; vel ex quapam infirmitate, vt magistro discipulus, & grotus medico; vel ex mercedis pacto, vt imperatori miles, domino famulus. Iure & alia plures: nam & in pœnâ delicti, & belli iure, & alijs casibus quempiam alteris subiugari contingit, quæ causæ omnes non planè vtrò & sponte, nec voluntaria electione, nec ex virtute seliguntur, sed aliunde in uitis obtingunt, vel imponuntur. Itaque hæc obedientia non est virtutis & obsequij diuini causa arcessita, neque votu firmata, neque Religionis honore insignita, neque peculiaribus legibus comprehensa, neque certo statui seu vitæ generi accommodata, neque villo singulari modo & eximio, sed sola communis ratione ab Ecclesia approbata: quare com in firma radice nitatur, cùm paucioribus auxiliis fulciatur, prauis exemplis, multis tentationibus, immortificatis cupiditatibus, grauiter frequenterque quantitur, nihil mirum si & imperfecta sit admodum, & fauentiore diuinae prouidentiae propugnatione non fruatur. Si qui tamen aliquando ea virtutis firmate experiretur, qui iuxta S. Apostoli consilium, dominis carnalibus, vt Deo, non ad oculum, sed ex animo, & amore veræ virtutis inseruiret, is procul dubio, ex epis iis quæ Religionis propria sunt, certe a huius virtutis insignia consequiposset, cæco modo & ad nutum obsequi, in omnibus ex diuina prouidentia perdere, non suo, sed Superioris iudicio in imperatis fidete, pace magna, & tranquillitate animi perfungi. Quis est hic? & laudabimus eum. fecit enim mirabilia in vita sua, potuit transgredi, & non est transgressus, in medio laqueorum liber ambulanit, & in propriæ voluntatis regno eam debellavit. Verumtamen, vt non glorieretur accinctus, & quæ vt discinctus, sed qui gloriatur in Dominoglorietur; teperias aliquando tanta mentis innocentia, & affectus puritate idiorum aliquos, quibus aliquid bonæ pietatis accesserit, ita dominis proper Deum inseruentes, vt Religioso sanè timendum sit, ne, si quando cum eis in die iudicij compositus fuerit, multo rubore pudesciat, & præ illis vix in aliquo numero reponatur.

Sed & hæc non otiosè, verbo monebo Confessarios, vt in Sparta sibi commissa sint fideles; sapè quippe & facile, pauperes, famulos, egestate seruientes, docet:

docere possunt, ut quam ipsis necessitas personam imposuit, exornet spontanea voluntas: cumque cum isto, tum ignorantie pondere oppressi, ad Religiosae vi-
tae institutum adspicere non possint, ad eius perfectionem adspicent. Nec dece-
runt comodae ad ista persuadenda rationes, dummodo Confessarij id serio
velint & conentur. Et nunquid pro magno habere debent, tantorum aeternae
gloriarum incrementorum administratos esse? Sed aliis ista relinquamus, ad institu-
tum reuertamur.

C A P V T XIII.

*Expediatne imperiorum aequitatem quaesitis argumentis,
vt illi assentias, comprobare.*

Huius questionis occasionem ex eo sumimus, quod B. Pater Ignatius apud Ribad. lib. 5. c. 4. id commendare sit visus; quod tamen obedientiam since-
ram professis periculi plenum ut plutimum, & perfectionem huius virtutis infi-
cere videtur. Quare, vir in Religiosa dignoscenda & describenda perfectione
magnus Basilius, consuetudinem de usus quae præcipiuntur inquirendi, asserit Exerc. 5.
esse excutiendi imperij meditationem ac studium, & P. Claudius Aquanius, in
vitiis virtutibusque discernendis accuratissimus, agens de eo qui defectu obe-
dientiae labore, illi que medicinam facere volens, ita præcipit; Deum, inquit, in Indus. 5.
Superiore consulat, nec humanis rationibus & discursibus det locum, quod malum si sen-
sim in animum irrepserit, mirum est quomodo omnem obedientiam simplicitatem, alacri-
tatem, promptitudinem, denique perfectionem omnem exauriat. Vnde vigilanter aduer-
rat, vt, quoties tale aliquid suggestur animo, resuti venenum quam citissime expellat.
Ita quidem ille; sed estne credibile virum in Ignatiana disciplina & sensibus
percipiendis exercitatissimum, quemadam præter B. Ignatij sensum præcepta sta-
tuisse? Absit ut opinemur, videndum ergo, & diligentius explicandum quam
vera ratione consentiant.

Et quidem non immerito viri illi, nos ab anxia rationum conquisitione de-
terrent; quippe humanæ infirmitatis conscientia, id vnicè cauere debemus, ne un-
quam habenas ei facultati laxemus, quæ luapte natura minus freni patiens, si
unquam liberos impetus usurparit, vix erit ut quantacunque contentione ad-
hibita in officio contineri possit; sic autem constanter & perpetuò frenanda
est, ut liberratis ad libitum euagantis illecebras nesciens, lupatis patere, & quo-
cunque duceretur, eod sine mora se qui assuecat. Hoc experiri est, in scrupulis, in
pauore, & quavis phantasiæ operatione, cui si paululum cesseris, mirum, quan-
tum illi accedit, quam imperiosè dominetur, & inexpugnabilis euadat. Nam
vero, si id verum est, ut profectò verissimum est, satis hinc datur intelligi, quan-
topere iudicij nostri libertas coercenda sit, & intra obedientiæ limites ita solli-
cite concludenda, ut assuefiamus hoc ipso contenti esse quod imperetur; nun-
quana